

新纂雲南通志

第四  
卷十冊

新纂雲南通志卷三十目錄

地理考十

疆域二

歷代建置二

元

元史地理志

明

明史地理志

新纂雲南通志卷三十

地理考十

疆域二

歷代建置二

元

元史地理志

元兵崛起朔漠四出征討疆土之廣遂逾漢唐東西諸汗國分封萬

里其於中土設十二行省

即嶺北遼陽河南陝西四川甘肅雲南江浙江西湖廣征東

雲南在西南境蓋自梁陳

建寧土族爭長雲南雖爲中國藩屬未設郡縣至是復比於內地也

凡所建置從元史地理志錄之有錯雜或缺文則別詳於邊境地理

考釋中

雲南諸路行中書省爲路三十七府二屬府三屬州五十四屬縣四

十七其餘甸塞軍民等府不在此數

馬站七十四處  
水站四處

雲南諸路道肅政廉訪司

大德三年罷雲南行御史臺立肅政廉訪司

中慶路

上

唐姚州閣羅鳳叛取姚州其子鳳伽異增築城曰拓東六

世孫券豐祐改曰鄯闡歷五代迄宋羈縻而已元世祖征大理凡

收府八鄯闡其一也郡四部三十有七其地東至普安路之橫山

西至緬地之江頭城凡三千九百里而遠南至臨安路之鹿滄江

北至羅羅斯之大渡河凡四千里而近憲宗五年立萬戶府十有

九分鄯闡爲萬戶府四至元七年改爲路

八年分大理國三十七部爲南北中三路路設達魯花赤並總管

十三

年立雲南行中書省初置郡縣遂改鄯闡爲中慶路領司一縣三

州四州領八縣

本路軍民屯田二萬二千四百雙有奇

錄事司



縣三

昆明

中倚郭唐置元憲宗四年分其地立千戶二至元十二年改鄯州領縣二十三年州革縣如故其地有昆明池五百餘里夏潦必冒城郭張立道爲大理等處勸農使求泉源所出洩其水得地萬餘頃皆爲良田云

富民

下至元四年立黎澗千戶十二年即黎澗立縣

宜良

下唐匡州即其地蠻會羅氏於此立城居之名曰羅哀龍今縣也元憲宗六年立太池千戶隸嵩明萬戶至元十三年升宜良州治太池縣二十一年州罷爲縣後廢太池來屬

州四

嵩明州

下州在中慶東北治沙札臥城烏蠻車氏所築白蠻名爲

嵩明昔漢人居之後烏白蠻強盛漢人徙去盟誓於此因號嵩盟

今州南有土臺盟會處也漢人嘗立長州築金城阿葛二城蒙氏

興改長州爲嵩明部段氏因之元憲宗六年立嵩明萬戶至元十

二年復改長州十五年升嵩明府二十二年降爲州領二縣楊林

下在州東南治楊林城乃雜蠻枳氏車氏斗氏麼氏四種所居之地城東門內有石如羊形故又作羊唐有羊林部落即此地元憲宗七年立羊林千戶至元十二年改爲縣

邵甸

下在州西治白邑村無城郭車蠻斗蠻舊地名爲東甸以東爲

邵憲宗七年立邵甸千戶至元十二年改爲縣

晉寧下唐晉寧縣蒙氏段氏皆為陽城堡部元憲宗七年立陽城

堡萬戶至元十二年改晉寧州領二縣呈貢

下西臨滇澤之濱在路之南州之北其間相去六十里有故城曰呈貢世為些

莫強宗部蠻所居元憲宗六年立呈貢千戶至元十二年割歸化

下在州東北呈貢縣南西濱滇澤地名大吳龍昔吳氏所居後為些莫徒蠻所有世隸鄯闡憲宗六年分隸呈貢千戶至

元十二年割大吳龍安江安泐立歸化縣

昆陽州下在滇池南焚瀘雜夷所居有城曰巨橋今為州治閣羅

鳳叛唐令曲縛蠻居之段氏興隸鄯闡元憲宗併羅南等十二城

立巨橋萬戶至元十二年改昆陽州領二縣三泊

下至元十三年易門州下在那龍城立縣

西治市坪村世為烏蠻所居段氏時高智昇治鄯闡奄而有之至元四年立泐門千戶十二年改為縣縣西有泉曰泐源訛作易門

安甯州下唐初置安甯縣隸昆州閣羅鳳叛唐後烏白蠻遷居蒙

氏終鄯闡酋孫氏為安甯城主及袁氏高氏互有其地元憲宗七

年隸陽城萬戶至元三年立安甯千戶十二年改安甯州領二縣

祿豐

下在州西治白村其地瘴熱非大會所居惟烏雜蠻居之遷徙不常至元十二年割安甯千戶之祿璫化泥驢琮龍三處立祿豐縣因江中有石如甌俗名祿璫譯謂祿為石琤為甌訛為今名

羅次

下在州北治歷磨呂

白村本烏蠻羅部地險俗悍至元十二年因羅部立羅次州隸中慶路二十四年改州為縣二十七年隸安甯州

威楚開南等路

下

為雜蠻耕牧之地夷名俄碌歷代無郡邑後爨酋

威楚築城俄碌睽居之唐時蒙舍詔閣羅鳳合六詔為一侵俄碌取和子城今鎮南州是也後閣羅鳳叛於本境立郡縣諸爨盡附蒙氏立二都督六節度銀生節度即今路也及段氏興銀生隸姚州又名富筇臉及高昇泰執大理國柄封其姪子明量於威楚築外城號德江城傳至其裔長壽元憲宗三年征大理平之六年立威楚萬戶至元八年改威楚路置總管府領縣二州四州領一縣

本路軍民屯田共七千一百雙

縣二



威楚

下倚郭至元十五年升威州仍立富民淨樂二縣二十一年降州爲威楚縣革二縣爲鄉來屬

定遠

下在路北地名目置睢離蠻居之諸葛孔明征南中經此睢復號爲牟州唐蒙氏遣蠻蠻酋抬尊鎮牟州築城曰耐

龍至高氏專大理國政命雲南些莫徒酋夷羨徙民二百戶於黃蓬窰其抬尊故城隸高氏元憲宗四年立牟州千戶黃蓬窰爲百戶至元十二年改爲定遠州黃蓬窰爲南甯縣後革縣爲鄉改州爲縣隸本路

州四

鎮南州

下

州在路北昔樸落蠻所居川名欠舍中有城曰雞和至

唐時蒙氏併六詔征東蠻取和子雞和二城至石鼓縣又於沙却

置俗富郡沙却即今州治至段氏封高明量爲楚公欠舍沙却皆

隸之元憲宗三年其酋長內附七年立欠舍千戶石鼓百戶至元

二十一年改欠舍千戶爲鎮南州立定邊石鼓二縣二十四年革

二縣爲鄉仍隸本州

南安州

下

州在路東南山嶺稠疊內一峯竦秀林麓四周其頂有

泉昔黑爨蠻祖瓦戔吳立棚居其上子孫漸盛不隸他部至高氏



封威楚方隸焉憲宗立摩芻千戶隸威楚萬戶至元十二年改千

戶爲南安州隸本路領一縣廣通

下縣在州之北夷名爲路賧蠻居之南詔閣羅鳳曾立路賧縣至段氏封高明量於威楚其後宜州會些莫徒裔易哀

等附之至高長壽途處於路賧易哀去舊堡二十里山上築城白龍戲新棚憲宗七年長壽內附立路賧千戶至元十二年改爲廣通縣隸南安州

開南州

下州

在路西南其川分十二甸昔樸和泥二蠻所居也莊

蹠王滇池漢武開西南夷諸葛孔明定益州皆未嘗涉其境至蒙

氏興立銀生府後爲金齒白蠻所陷移府治於威楚開南遂爲生

蠻所據自南詔至段氏皆爲徼外荒僻之地元中統三年平之以

所部隸威楚萬戶至元十二年改爲開南州

威遠州

下州

在開南州西南其川有六昔樸和泥二蠻所居至蒙

氏興開威楚爲郡而州境始通其後金齒白夷蠻酋阿只步等奪

其地中統三年征之悉降至元十二年立開南州及威遠州隸威

# 楚路

武定路軍民府下唐隸姚州在滇北昔盧鹿等蠻居之至段氏使烏

蠻阿剌治納洩昵共龍城於共甸又築城曰易龍其裔孫法瓦浸

盛以其遠祖羅婺爲部名元憲宗四年內附七年立爲萬戶隸威

楚至元八年併仁德于矢入本部爲北路十二年割出二部改本

路爲武定領州二州領四縣

本路屯田七百四十八雙

# 州二

和曲州下州在路西南蠻名叵達甸楚盧諸種蠻所居地多漢家

或謂漢人曾居蒙氏時白蠻據其地至段氏以烏蠻阿剌併吞諸

蠻聚落三十餘處分兄弟子姪治之皆隸羅婺部元憲宗六年改

叵達甸曰和曲至元二十六年升爲州領二縣南甸

下路治本縣蠻曰濩甸又稱洩陬籠至元二十

六年改元謀下夷中舊名環州元治五甸至元十六年改爲縣

祿勸州下州在路東北甸名洪農祿券雜蠻居之無郡所至元二

十六年立祿勸州領二縣易籠下易籠者城名在州北地名培場縣境有二水蠻語謂湊爲水籠爲城因此爲名昔羅婺部大會居之爲羣會會集之所至元二十

六年立縣石舊下縣在州東有四甸曰掌鳩曰法塊曰扶撿曰曲徹掌鳩甸有溪遶其三面凡數十渡故名今訛名石舊至元二十六年立縣

鶴慶路軍民府下府治在麗江東南大理路東北夷名其地曰鶴川

漾共昔隸越析詔漢唐未建城邑開元末閣羅鳳合六詔爲一稱

南詔徙治羊苴城地近龍尾鶴拓今府即其地也大和中蒙勸封

祐於漾共立謀統郡蒙氏後經數姓如故元憲宗三年內附爲鶴

州七年立二千戶仍稱謀統隸大理上萬戶至元十一年罷謀統

千戶復爲鶴州二十年爲燕王分地隸行省二十三年升爲鶴慶

府領一縣劍川下縣治在劍川湖西夷云羅魯城按唐使南詔有六節度劍川其一也初蒙氏未合六詔時有浪穹詔與南詔戰不勝退保劍川更稱劍浪貞元中南詔擊破之奪劍共諸川地其會徙居劍谿西



北四百里號劍光蒙氏終至段氏改劍川爲義督險憲宗四年內附七年立義督千戶至元十一年罷千戶立劍川縣隸鶴州軍民屯田共一千餘雙

# 雲遠路軍民總管府元貞二年置

# 徹里軍民總管府大德中置

大德中雲南省有大徹里地與八百媳婦犬牙相錯勢均力敵今大徹里胡念已降小徹里復控扼地利多相殺掠胡念日與相拒不得離遣其弟胡倫

入朝指畫地形乞別立徹里軍民宣撫司擇通習蠻夷情狀者爲之帥招其來附以爲進取之地乃立徹里軍民總管府

# 廣南西路宣撫司

闕

麗江路軍民宣撫司路因江爲名謂金沙江出金沙故云源出吐蕃

界今麗江即古麗水兩漢至隋唐皆爲越嶲郡西徼地昔摩些蠻

居之遂爲越析詔二部皆烏蠻種居鐵橋貞元中其地歸南詔元

憲宗三年征大理從金沙濟江摩些負固不服四年春平之立察

罕章管民官至元八年立宣慰司十三年改爲麗江路立軍民總

管府二十二年府罷於通安巨津之間立宣撫司領府一州七

州領一縣

府一

北勝府在麗江之東唐南詔時鐵橋西北有施蠻者貞元中爲異牟尋所破遷其種居之號劍羌名其地曰成偈睽又改名善巨郡蒙氏終段氏時高智昇使其孫高大惠鎮此郡後隸大理元憲宗三年其酋高俊內附至元十五年立爲施州十七年改爲北勝州二十年升爲府

州七

順州在麗江之東俗名牛睽昔順蠻種居劍共川唐貞元間南詔異牟尋破之徙居鐵橋大婆小婆三探覽等川其酋成斗族漸盛自爲一部遷於牛睽至十三世孫自瞠猶隸大理元憲宗三年內附至元十五年改牛睽爲順州

滇蕓州治羅共睽在麗江之東北勝永甯南北之間羅落摩些三種居之憲宗三年征大理至元九年內附十六年改羅共睽爲滇蕓州

永甯州昔名樓頭睽接吐蕃東徹地名答藍摩些蠻祖泥月烏逐出吐蕃遂居此睽世屬大理憲宗三年其三十一世孫和字內附至元十六年改爲州

通安州在麗江之東雪山之下昔名三睽僕緹蠻所居其後摩些蠻葉古乍奪而有之世隸大理憲宗三年其二十三世孫麥良內附中統四年以麥良爲察罕章管民官至元九年其子麥兀襲父職十四年改三睽爲通安州

蘭州在蘭倉水之東漢永平中通博南山道渡蘭倉水置博南縣



唐爲盧鹿蠻部至段氏時置蘭溪郡隸大理元憲宗四年內附隸  
察罕章管民官至元十二年改蘭州

寶山州在雪山之東麗江西來環帶三面昔摩些蠻居之其先自  
樓頭徙居此二十餘世世祖征大理自卞頭濟江由羅邦至羅寺  
圍大匱等寨其酋內附名其寨曰察罕忽魯罕至元十四年以大  
匱七處立寶山縣十六年升爲州

巨津州昔名羅波九睽北接三川鐵橋西隣吐蕃按唐書南詔居  
鐵橋之西南北與吐蕃接今州境實大理西北陬要害地摩些大  
酋世居之憲宗三年內附至元十四年於九睽立巨津州蓋以鐵  
橋自昔爲南詔吐蕃交會之大津渡故名領一縣臨西

下縣在州之西北  
乃大理極邊險僻

之地夷名羅哀間居民皆摩些二種蠻至元十四年立大理  
州縣於羅哀間立臨西縣以西臨吐蕃境故也隸巨津州

東川路下至元二十八年立

茫部路軍民總管府下

益良州下

强州下

孟傑路

自東川路以下闕 泰定三年八百媳  
婦諸蠻官守置木安孟傑二府於其地

普安路

下治在盤町山陽巴盤江東古夜郎地秦爲黔中地兩漢隸

牂牁郡蜀隸興古郡隋立牂州唐置西平州後改興古郡爲盤州  
蒙氏叛唐其地爲南詔東鄙東爨烏蠻七部落居之其後爨酋阿  
宋逐諸蠻據其地號于矢部世爲酋長元憲宗七年其酋內附命  
爲于矢萬戶至元十三年改普安路總管府明年更立招討司十  
六年改爲宣撫司二十二年罷司爲路

曲靖等路宣慰司軍民萬戶府曲靖二州在漢爲夜郎味縣地蜀分

置興古郡隋初恭州唐置南甯州東西爨分烏白蠻二種自曲靖  
州西南昆州距龍和城通謂之西爨白蠻自彌塵升麻二州南至  
步頭通謂之東爨烏蠻貞觀中以西爨歸王爲南甯都督襲殺東  
爨首領蓋聘南詔閣羅鳳以兵脅西爨徙之至龍和皆殘於兵東  
爨烏蠻復振徙居西爨故地世與南詔爲婚居故曲靖州天寶末  
征南詔進次曲靖州大敗其地遂沒於蠻元憲宗六年立磨彌部  
萬戶至元八年改爲中路十二年改曲靖路總督府二十年以隸  
皇太子二十五年升宣撫司領縣一州五州領六縣

本路屯田四千四百八十  
雙歲輸金三千五百

五十兩馬一  
百八十四

## 縣一

## 南甯

下倚郭唐以爨歸王爲南甯州都督治石城及閣羅鳳旌州廢蒙氏改石城郡至段氏烏蠻莫彌部  
會據石城元憲宗三年內附六年立千戶隸莫彌部萬戶至元十三年升南甯州二十二年革爲縣